

5TH SITTING ON MONDAY, THE 25TH OCTOBER, 1982 .  
(Time : 10:30 A.M.to 1:00 P.M.And 2:00 P.M.to 4:00 P.M)

Pu C.Chawngkunga, Deputy Speaker at the Chair, Chief Minister, Four Ministers and ~~seventeen~~ Members were present.

#### QUESTIONS

1. QUESTIONS entered in separate lists to be asked answers given.

#### CALLING ATTENTION NOTICE

2. PU ELLIS SAIDENGA to call the attention of Minister in-charge Education Department on non-vocation of building by CRPF in Lunglei which is meant for classroom of the students of Polytechnique Institute, Lunglei.

#### PRESENTATION OF REPORTS

3. PU C.L.RUALA to present to the House the Eight Report of the Committee on Government Assurances.
4. PU JOE NGURDAWLA to present to the House the Sixth Report of the Committee on Subordinate Legislation.

DEPUTY SPEAKER : Tin, i tlangval lai hian i Siamtu hre reng rawh - Ni tha lote a lo thlen hma leh "Lawma reng reng ka nei love" I tihna tur kumte a lo hnaih hma hian.

Thuhriltu 12:1.

Tunah vawiin kan Business ah kan kal anga, List of Business Items No.1 Question. Starred Question No.21-na Pu Saikapthianga zawt turin kan ko anga, amah a awm loh chuan hei chu a liam a ni mai. Starred Question No.22-na Pu C.L.Ruala, amah a awm loh avangin hei pawh a liam a ni leh mai a. Starred Question No.23-na Pu Saikapthianga, a mah a awm loh avangin hei pawh a liam a. Question No. 24-na pawh. Question No. 25-na Pu C.L.Ruala hei pawh a liam a ni leh mai a, amah a awm loh avangin. Question No.26-na a awm tawh lo maw, a awm tawh loh chuan a tawp a nih mai chu. Short Notice Question Pu Joe Ngurdawla maw, Pu Joe Ngurdawla (Pu C.L.Ruala : Pu Deputy Speaker, ka zawhna kha min chhang em ? Engzatnange ni kha ? Sawm-hnih leh pangana maw kha, aw hei chauh hi kan la ang. Question sawmhnih leh pangana Pu C.L.Ruala.

\* PU C.L.RUALA : Pu Deputy Speaker, ka zawhna Starred Question No. 25-na -

Will the Hon'ble Minister in-charge of Appointment Department be pleased to state -

Is it a fact that some of the Head of Departments do not want to implement the decision of the Government on Re-organisation Scheme.

DEPUTY SPEAKER : Tunah hei Minister kan sawm hmam, Minister in Pu Lalhmingthanga a authorised na lehkhaw kan hmu a, amah a dam loh avangin, Pu Lalhmingthanga, Minister chu tunah kan sawm ang.

PU LALHMINGTHANGA : Pu Deputy Speaker, Member zahawm tak MINISTER, Tlungvel bial ami rawn zawhna kha hetiang hi a ni a. Hemi Government Re-organisation Scheme hi Head of Department thenkhat ten an ti puitling duh lo em ni ? Chu chu thudik ani em tihna a ni a.

A chhanna chu nilo, Head of Department ten hemi tihpuitlin duh lo-ang a ngaih hi thu dik a ni lo tih a ni.

DEPUTY SPEAKER : Zawh belhna a awm em ?.

\* PU C.L.RUALA : Pu Deputy Speaker, zawh belhna, kan Minister in-charge khan hetiang thil a awm love tiin a rawn chhang a. Nimahsela. a awm ani tih he House hi ka hrilh duh a. Entirna pakhat han sawi ta ila, Kolasib ah chuan Pu Lalrawngbawla chu FWD atangin Agriculture ah K.V.K ah Superintendent Cum Accountant turin Re-organisation Order angin Government in a transfer a, Nimahsela, Lalrawngbawla'n K.V. a a awm chuan an pawm duh love. Tunah hian Lalrawngbawla va awmna tur hmuna chuan mi pakhat a awm a, hei thla li (4) aiin a rei tawh a. Post pakhat ah Sawrkarin mi pahnih hlawn an pe dawn ani phawt mai a, tunge pe ang chu pawh chu.

Tin, helalah Agriculture ah Lunglei lam a phei tur Pu Siama chu vawin ni thlengin kha Order ang khan an la phei tir thei lo, hlawn an pe duh tawh si lo. Chutiang chuan he Re-organisation Order Government in an tih ahi Department Head thenkhat ina (Deputy Speaker : Hetiang sawinaah hian mimal hming hi sawi lo ila a tha ang.) aw chu chu a chian theih nan ka han ti mai a ni a, ka ti tawh lovang Pu Deputy Speaker. Chutiang chuan midang dang hming pawh sawi tawh lo ila engemaw zat he Re-organisation Order a Department dang a kal tur si kal tir theih loh kha an awm ani. Chung te chu vawin niah hian Ministry lam atanga sawi nan mai mi pawh ani lo, in sawi mam mai si

loh chuan a sawi a sawi mam mai chi a ni lo a nia. Khang kha engtingge chutiang angah Department Head te Government Order pawisa lova vawin ni thlenga thla nga (5) hnu thleng pawh a engmah la ti duh lo tufe chu Government in in hrem dawn em tih ka zawt duh bawk ani.

DEPUTY SPEAKER : Minister chhang turin i lo sawm angu.

\* PI K.THANSIAMI : Pu Deputy Speaker, Minister chhanghal a tan. Mihring hming chu, chukan sawi dawn lova, Agriculture Department a mite Lunglei lam a pheii tur a an tih hote kha mi paruk emaw an lo ni a. Tichuan, mi pakhat chauh khan a hlawh kha August thla ah a la a, midang pali te chuan a hnuah an la leh a, mi pakhat chauh chu vawin ni thlengin a hlawh hren a ni a. Chumi pawh chu engvanginngge a ni hi pek theih loh a nih bik ? tih hi a inzawm tlat avangin a ruala chhanah ka han zawt ve duh a ni.

PU LALHMINGTHANGA : Pu Deputy Speaker, Member zahawm tak MINISTER. tak ten a an rawn sawina kha engemaw harsatna deuh neuh neuh chu Sawrkarin a tawk a ni. Hemi Re-organisation chungchang thu hi a inunna a mi tawh viau a, 1976 a mi tawh kha a ni a. Tin, a rawn chhuahna bulpui ber a hi Pay Committee Recommendation atanga rawn chhuak a ni a. Chu chu hemi Administration ina engemaw Administrative decision a siam liau liau a ni lova, Pay chungchang atanga intan daih a ni a.

Tichuan, he thil hi hmanhmawh taka tih pur pur theih lohna lai a awma chhan chu Human problem kan ti mai anga, mihring harsatna kha a zuk awm leh thin a. 1976 ni 14th April, thla atanga rawn intan chho a ni a, hei hi. Tin, Council of Minister te pawhin 1976 chho ah te khan decision siam a ni a, tin, tun hnaiah te pawh siam leh a ni a. Chucmi chu a administration lam atang hi chuanin implement thuai thuai tura tih a ni a. Nimahselangin ka sawi tawh ang khanin Human Problem a involve thin avang khan khami Re-organisation a mithenkhat te ang te chuan anmahni chungchang thuah te, justice hmu lo anga an in ngaihañ khanin courtah te an kal thei a. Chu chu Sawrkar lam atang khanin administration lam atang khan va stop (va dan) mai theih an ni chuang lova. Tin, mimal chungchang thu kher lovah pawh Court ah te an kal thei tho bawk a. Tunah pawh hianin High Court ah hian Case pathum hemi chungchang thu velah hianin a kal a. Tin, High Court chuan 1982 May 3 atang khan status tiamin maintain turin thu te pawh an pe nghe nghe a ni hetah hian.

Chuvang chuanin Head of the Department te kha mawhpurthu berah zuk dah theih chiah pawh an nih loh na lai a awm a. Tin, Sawrkar pawh kha a Order ang kha ti ngei turin va nawr chak tura pen vak te pawh kha harsatna lai engemaw a awm a, chumi chungchang thu chu a ni ber mai.

Tin, he thil hi thil awlai lo tak a ni a, ti hian zawi zawiin Sawrkar chuan a bei chho zel anga, engtik ni ah emaw chuan fel ni a la awmawn ni turah Sawrlar lam atang chuan thlir a ni a. Member zahawm tak tak ten a mimal thil ownward deuh hlek a lo awm an sawi tak te kha, khang pheih kha chu sawi mam tumna hranpa pawh a ni lova, an implement duh lo em ni ti a Head of Department te hi implement duh lo ang tlat a ngaihna kha a awm lo a ni e ti. Khan chhanna chu kan rawn siam a ni ber a.

Heng a ti tha duh lotute hi hrem an ni ang em tih angah te pawh khanih an tih tha duh leh duh loh zawk a kha vawiin niah chuanin tumah ti tha duh lova han puh tur ang administration lam atang chuan la hmuh theih chiah a ni lova. Chulai chu a dinhmun a ni deuh ber ani, Pu Deputy Speaker. Chuvangin Member tena an thil sawi pawh kha thil pawimawh tak tak ani. Hetah hianin mi hrang hrangin harsatna an tawh tih te pawh kan hria a. Tin, a Re-organisation chung-chang thu hrim hrim ah hian kan hriat tur chu kan Sawrkar hnathawk tam tak te chuan a thenin tha an ti a, a thenin tha an ti lova, tha ti lo an awm a, kha kha ngaihnan a hrang tawh a. Administration tan pawh thil tam chhut ngai a lo awm thin a, chuvang chu a ni ber mai a ni hei hi a kal chak vak theih lohna chhan.

Tin, Member zahawm tak zawt hnuhnung zawkina azawhna kha engnge ni chiah aw? (Deputy Speaker : Han zawr nawn leh sela )

\* PI K.THANSIAMI : Pu Deputy Speaker, hetiang hi a ni ka zawhna chu - Lunglei a pheih tur tih te zinga mi pakhat chauh khan hma fa khan a hlawh a la nalh a, chutah mi dang te khan an sawi leh hnu ah midang te khan an la leh dial a, Mahse an zingah mipakhat chauh kha a bang ta a, vawiin ni thleng hian a hlawh kha a la la ta lova. Midangte la vek a engnge a ni kha a la lak lohna chhan, an case a in ang vek a, kal tura tih thla thum hetah an la awm leh thei a fih thupek te pawh awm vek si a, engatinge amah chauh la la lova a awm ?.

PU LAIHMINGTHANGA : Pu Deputy Speaker, tuna member zahawm MINISTER. takina a fawn zawh kha tuna hlawh a lak lohna chhan kha tunah mai chuan ka sawi thei lova, engnge ni a mimal a kha engnge ni dilna te pawh siam sela a en chian theih ang chu mawle chung te pawh chu.

PU P.B.ROSANGA : Pu Deputy Speaker, Agridulture MINISTER. Department concerned bik a nih avangin tuna zawhna kha hrilhfiyah a thain ka ring a. A kalhmang chu Joint Director, Agriculture leh a Staff te Lungleiah kal tura Order pek a ni a. Amaherawhchu problem dang a awm avangin thla thum chung atan chu chu withheld a ni a. Tichuan, chung pheih tur zinga Staff pakhat chu Lunglei D.A.O. Office a in

report turin Order hran pek a ni a. Tin, Re-organisation ah khanin D.A.O. Office ah attached a ni bawk a. Tichuan, chumi bik a chu a kal tak chuan loh avangin a pay kha an withheld sak a ni. Chu chu a ni e zawhna hnuhnung chhanna chu.

\* PU C.L.RUALA : Pu Deputy Speaker, tuna kan Minister zahawm tak Agriculture Department enkawltu khan transfer order pahnih a awm tih mi pakhat chungchang thu ah a sawi a. A hmasa zawk kha Government Order a ni a, Re-organisation avanga transfer na a ni a. Khami ang khan Director in a release duh ta lova, a hnuah ama fhuin Order a siam ve leh a transfer order dang. A engu chu nge lal zawk ang, Government order nge lal zawk ang Director Order kha tih hriat ka duh a.

Human Problem a awm tih tunah khan kan Minister in a sawi a, tun a mi hi Man made problem ani. G.A.D chuanin engtingge hei Re-organisation Order a awm a, chumi khami chu transfer a ni a, in implement em tih an zawt reng a, Agriculture Department chuan vawin ni thleng hian an la chhang duh miah lo. Chutiang ang chhang duh lo Department chu engang in nge kan Sawrkar hian in sawisak dawn,? Engtingge hna in thawh ang, thla nga (5) a ral tawh a, order kha implement a ni nge ni lo tih pawh vawin ni thleng hian an la chhang duh miah lo ani. Chutiang ang mihring chu engtingge in kawl reng dawn? hna in thawk thei chuang miah lovang. Hetiang anga a kal reng chuan It will doom, It will be doomed with corruption chu chu ka sawi thei a ni. Engtingge chutiang anga an chhan duh lohna ah chuanin Sawrkarin action lakna in nei tawh reng em? tih chu ka zawt duh a ni.

PU LAHMINGTHANGA : Pu Deputy Speaker, Member zahawm tak MINISTAR. khan a thlir desmistick lutuk ni mah mahin ka hria. Engemaw hemi Re-organisation case a case pahnih khat la fello thil ah kha chuanin a Sawrkar chhiatna tur em em pheii chu a thleng chhoin ka ring lova. Ka sawi ang deuh kha a ni a, man made problem deuh vek a ni a a nihna ah hi chuan. Engpawhnize a Re-organisation hrim hrim a te pawh Pay Committee in a han recommend khan a hma a thil awm lo kha a ni a man made a ni zel anga.

Amaherawhchu, he tilai thilah kha chuan a pawimawh ber kha chu mihring Sawrkar hna engemaw chen lo thawk tawh vek a te kha a involved vek mai a. Chutah chuanin han in chul bawrh bawrh tur khan points of consideration tur tak tak te pawh tam takin ah nei thin a. Chutilai chu a buaithlakna lai kha a ni mai thin a. Order chu Order a ni tiin khawng taka han in hrut hi kan Society atan pheii hi chuan Mizo te hi ka la tlem tham a, a buaithlak viau thin a. Entirnan transfer thu hla te hi Sawrkarin a harsat viau fthin a a ni reng a. Peon thleng pawh hianin (IV Grade thleng pawh hianin) transfer order an hmuh chuanin Ministry thleng pha lo pawh hi kan awm lova. Chutiang chu kan administration ina an tawh lai mek a hi a ni a.

Tin, Agriculture Department a double order issued chungchang thu a rawn sawi te phei kha chu Sawrkar level ah tak tak phei chuanin Definite Information engmah kan hmu lova. Nimahsela khatiang ang double order ang te kha a lo awm a nih chuanin khang te pawh kha a awm nge awm lo tih te pawh kha enfiah theih a ni anga. Amaherawhchu waviin ni ah hianin engtiang anga action lak nge ni ang tih kha chu hetah sawi theih ani chuang lo anga. Government Servant te reng reng hian conduct rules te leh engkim an nei a, an service te an protect turin kan zavai atana tha tur Rules te a awm vek a ni a. Chuvang chuanin hemi House ah hi chuanin chutiang khatiang chuan action lak a ni ang tih ang kha sawilawk ringawt mah ila, sawilawk theih a nih ka ring chuang lova. Amaherawhchu double order a awm nge ni, Director Order leh Government Order kha a in kalh nge kalh loh tih te chu a en theih ang chu.

PU SAINGHAKA : Pu Deputy Speaker, zawh zelhna Re-organisation hi kan Sawrkar tan pawh luha thlak hle niin a langa. Kan Sawrkar hnathawk vuivai tawk te pawh an lo awm a. Tin, a lo immun chhohna kha 1976 vel lai atang tawh a thil lo awm chho niin kan Minister khan thu a han sawi a. Thil tih tawh, thil kal tawh tihpuitlin duh vang hrim hrim a he thil hi tih a ni a lan theihna lai te pawh a awm a. Chuti anih chuan tuna kan Sawrkar hnathawkte awmdan a hi tunhnu zel atan tun ang reng hian kal zel tur nge ni anga. Kan Sawrkarin three tired system ang chi te pawh kha nakin deuh atan chuan a tha zawk mai awm mange tuna thil kal tawh hi chu a kal in kal se tia ngaihtuahna an nei reng em ?

PU LAIHMINGTHANGA : Pu Deputy Speaker, Member zahawm tak MINISTER. fawn zawhna kha thil pawimawh tak a ni a. Hmun hrang hrang India ram state dang te kan thlir chuanin state hrang hrangah te pawh hianin three tired system a kal te an awm a. Administration pawh a fel zawk a ni lawm ni chu aw, tih ngaihtuahna te pawh a awm thei hial ani. Tin, hei hi Sawrkarah pawh discuss hrep tawh a ni a. Amaherawhchu Re-organisation Scheme hi implement loh theih loh ang deuh hlek a a kal takna chu 1976 a Pay Committee in a recommend hnu khan interim arrangement siamin khami Principle base si khanin mi hnathawhna kha tih danglam teuh a lo ni tawh a. Chutah chuan system thar hlak a three tired ang khan han ti leh dawn ta ilangin a aia harsatna buai chinfel harsa zual zawkah khan a lut ang tih a hlauhawm a. Tun hnu hun lo la kal zel tur atan te phei chuanin ka sawi lawk thei lova. Mahse hemi ngaihtuahna anga hi chu exercise kan ti mai anga, ang deuh hlek sawi sawi ah chuan a tang ve fo feng a ni. Mahse future ah chuan kan ti ang Sawrkar chuan a ti ang tih erawh chu waviin ah hian ka sawilawk thei hauh lo ani.

\* PU C.L.RUALA : Pu Deputy Speaker, zawh belhna kan Minister te pawhin an hriat chian zawk theih nan May ni 6 khan a hming sawi phal a nih loh avangin Mr. so and so chu Lunglei D.A.O. Office ah Re-organisation order anga Under Secretary Government of Mizoram signature awma transfer order pek a ni a. Chutah chuan Agriculture Director in a release thei loh hnuah 2.7.1982 ah order dang a chhuak leh ta a. Chutah chuan Joint Director Office a awm tur a insawn phei tur a tih a ni leh a. Chumi hnu chuan Order dang a awm leh a. Joint Director Office sawtah a awm theih rih dawn loh avangin Lungleiah zawm tura tih an ni leh ta a. Khawihmunah nge an va zawm ang tih pawh kha a chiang ta lo tlat a ni.

District Agriculture Office a zawm tur a kha a Order hnunung Director Order ah kha chuan Joint Director Office ah zawm tur tih a ni leh ta a. Chutiang a Joint Director ho a phei tur a tih a ni leh a. Joint Director a phei theih loh avangin Lunglei ah rang taka zawm tur a ni. Joint Director Agriculture Lunglei controll na hnuah a awm ah tih kha a ni leh ta a. A khawi Order ber kha nge ding ta ang ? Government Order nge Director Order ? Chtiung chuan yawiin ni thleng hian hlawn la thei lovin chu awmze nei lova transfer kual kual a chu a la awm ta a. Chutiung chuanin Kolasib a mite pawh kha thla nga (5) aia rei hlawn la thei tawh lovin an awm a. Chu chu Sawrkarin a hriat si chuan engah nge kawng a dap loh ? Tin, zawm thei tur pawhin tunah hian han siam ta ula, K.V.K Post pakhatan khan mi pahnih in entertained tawh tlat a na, mi pahnih hlawn pek a ngai dawn tlat a, chu chu tuingge pe ang? Zawhna lian pui pui a awm ani, chung chu min chhang thei sela tin ka han zawt leh a ni.

PU LALHMINGTHANGA : Pu Deputy Speaker, Member zahawm tak ina a sawi Joint Director Office MINISTER. chungchang thu te khami Order inthuah a sawi a kha a detail information a kha tunah chuan Sawrkarin kan nei mai lova. Mahse a hmalam a ka sawi tawh ang khan Order inthuah leh khatiung kha chu a enfel theih ang, a chinfel theih ngei tur bawk a ni.

Tin, chubakah Kolasib chungchang thu te kha mipahnih an entertained tawh a ni a tih a kha a mimal a sual a ni lova, a problem a kha solve a ngai a, chumi solve a nih chuan a hlawn a bo thu reng reng a awm lo. A chhan chu ama duh ang a tih a ni lova, chuang chuan kha kha chu la la thei leh mai tur a ngaih a ni, a problem solve a nih hnuah chuan a hlawn chu a la leh mai thei ang ka ring.

\* PU L.PIANDENGA : Pu Deputy Speaker, zawh belhna Staff thebkhath te Director in hna a pek loh avanga chhuti ang a awm mai mai te an awm ni a sawi hi a dik em ?.

PU LAIHMINGTHANGA : Pu Deputy Speaker, a relevant vak  
MINISTER. lova. Engpawh lo nise chutiang ang  
an awm tih chu Sawrkarin kan hre lo  
rih a nih chu maw le.

DEPUTY SPEAKER : Pu Joe Ngurdawla Short Notice  
Question No. 1 Pu Ngurdawla.

+ PU JOE NGURDAWLA : Pu Deputy Speaker, ka zawhna Short  
Notice Question No.1-na -

Text Book, Naupang zirlai man sang  
lutuk chungchang hman Session hmasa lamah kan sawi tawh a.  
Sawrkar pawhin step a la chho tih hriat a ni a. Hemi hi  
zirna in-tan chho turah hian naupang zirlaibu tlawm zawka.  
lei kan in beisei tawh ang em? tih a ni a. Hei hi Minister  
in min han chhang sela.

PU F. MALSAWMA : Pu Deputy Speaker, kan member zahawm  
MINISTER. tak zawhna chhanna kha hetiang hi ani.

Kumin Budget Session neih laia member  
zahawm tak tak ten Text Book manto chungchang an sawi kha  
Sawrkar chuan bawhzui nghal a ni a, May thla khan Committee  
siamfel a ni nghal a. Hemi a man san takna viau leh engtin-  
nge man tlawm zawk a tih dan a awm em tih chhui turin. Chu  
chu chak taka thawk turin tih a ni a, amaherawhchu rin awin  
a hna hi a lo buaithlak khawp mai a, an bei map map a. Tunah  
hian an report chu Sawrkarah thehluh an peih ti tih tawh a.  
Amaherawhchu an la tifel thei chiah lova. Tin, chutih rual  
chuan kum thar lam a a man to ngai kan hman loh theihna ber  
tur nia ringin Mizoram Board of Education hnenah chuan  
lekhabu chhut chungchangah engmah decision lo la siam lo  
turin hrih an ni. Zirlaibu man tih tlawm theih dan tur  
chungchangah te engemaw recommend an rawn thehluh hnuah  
hian Sawrkar chuan bawhzui dan tur a la rel dawn a ni.

\* PU BUALHRANGA : Pu Deputy Speaker, zawh belhna chu-  
tiang anga Sawrkarin tan a lak chhoh  
lai leh a bawhzui tur te a siamchhoh  
lai chuan nakum kumthar atana Text Book chhut hi Press  
thenkhatah chuan Tender pawh awm lem lovin nikum a an tih  
dan pangngai ang bawh khan chhu leh turin Order an pe nual  
tawh tih hi Sawrkarin a hria em aw ?.

\* PU F. MALSAWMA : Pu Deputy Speaker, Sawrkarin chu-  
MINISTER. tiang engmah hriatna a nei lo.



\* PU LALNGHENGA : Pu Deputy Speaker, zawh belhna a relevant tho in ka ring a. Hemi Mizoram Paper allotment hi Education Department hnuai a distribution Board hnuai a awm a ni a. Chutah chuan tu tu te emaw chu an pe thin niawmin kan hria a. Heng an pek te hianin rate a tih ang thlap thlap in an hralh thin em, a paper te tih hi ka han zawt teh ang.

\* PU F. MALSAWMA : Pu Deputy Speaker, a relevant chiah MINISTER. lova, mahse hralh thin tura beisei an ni.

\* PU J. THANKUNGA : Pu Deputy Speaker, kan Minister zahawm tak chhanna atang khan tunah hian Zirilaibu chu engmah khawih hrih loh tih niawmin a rawn sawi a. Board chumi chhui tura Committee an siam chu engtik hunah nge final report theh-lut tura beisei an nih ? Chumi an thehluh hnuah chuan nau-pang ten zirna lam a an tlai lohna turin chutiang lehkhabu chu chumi hnu chauh a siam tur a nih chuan chhut theih kan beisei em ni ? tih kha ka han zawt duh a. Engnge ni Committee khan a recommendation ng khan Sawrkarin action lo la ta sela, ahumi hnu chauhah em ni zirilaibu te chhut anih leh dawn tih kha khelai kha fimkhur a ngai tlat in ka hria a, amin hrih thei em aw?-

\* PU F. MALSAWMA : Pu Deputy Speaker, a ni khawp mai a. MINISTER. Tunah hian October thla chhungzo tura beisei an ni a. September thla chhunga zo tura in beisei an ni zawk a. Amaherawhchu engemaw chian ngai ram hla deuh hlekah te thil chhui ngai thil te a lo awm avangin an zo hman ta lova. Tunah hian a thu hrim hrimah kan hriat ngai ve chu then-khat a man to hrim hrim thu a kan buaina hi hemi NCERT kan tih Delhi atanga Text Book chungchangah State tin te advised petu te pek ang zai zui a siam a ni a. Chumi ah chuanin ngaihdan chi hnih a awm thei a, lehkhabu mumal leh a lem te pawh tha zawk deuh hlek a tih hi ram chang-kab nan a tul a ni tih ngaihtuahna a awm tel a.

Chuvang chuan a tlangpui thuin tunhma lak kha chuan a bu a quality hi a thain a man pawh a to a. Chu chu man tlawm zawk deuh a siam a chhe awl zawk deuh nge kan duh a, hemi standard deuh hlek a a man pawh sang a kha tih ngaihtuah ngai a awm a. Chung angah chuan uluk taka thil chhut tur a awm avangin he thil kan Committee ina a chhut a hi a rawn recommend a hi a tlai viau dawn a, zirilaite a tih buai dawn chuan Sawrkarin a khami tel lova a theih ang tawka tan a lak a, tlawm dan kawng a theih ang tawka tawka a dap bawk chu engemaw chenah chuan a kum hlui ang a kal a ngai mai thei a. Chung chu Sawrkarin naupang zirilai a tih buai lohna turin tan lak chu tum tho tur a ni dawn a. Chuvang chuan an zirilai ti buai lova kalpui chu tum a ni anga. Chumi kan hmang lo anih a tuna recommend tu tena an rawn tih ang hi hman hman loh anih erawh chuan Sawrkarin a tul angin kawng a dap chawp mai ang chu.

\* PU BUALHRANGA : Pu Deputy Speaker, belhna nichina ka rawn zawh khan tunah hian engquiry zawh commission chuan report pe lut dawn tep ang khan kan Education Minister zahawm tak khan a sawi a. Tin, nikum ang te a nih chuan February ni khat hmam Sikul tan a ni lo mai thei a. Kha kha chu Directorate thu turah ka ngai a. Chuti anih chuan hun a la awm viau a, November, December, January thãa thum a la awm a hei. Chuti a nih chuan Board chuan kum danga Sawrkarina a tih dan ang ni lem lova Press thenkhat te copy right pawh Board ta ngei si tender chhuah lem lova, an duh zawng zawngte hnena pek a an lo chhuttir mai thin ang khan kumin pawh hian a ti leh dawn niawm takin a lang thei a.

A chhan chu Press thenkhatah chuan Text Book pathum hei hi lo chhu rawh u tih te an nei tawh a ni. Hun a la awm si a. Chuti anih chuan Sawrkarin chutiang anga Board in anmahni thu a an lo tih mai tawh te chu thiat behin a ti tha leh dawn nge ni a ? Chutiang anga Board in an tih mai tawh te chu thiat leh in a ti tha leh dawn nge ni a, Board in a lo tih tawh chu a zui mai dawn ?.

\* PU F.MALSAWMA : Pu Deputy Speaker, he thilah hian MINISTER. Controlling Officer chu Education a Secretary hi a ni a. Education a Secretary leh Board lam hotu te kan lo in biak tir ange.

DEPUTY SPEAKER : Short Notice Question No.2 na- Pu Hoe.Ngurdawla.

\* PU JOE NGURDAWLA : Pu Deputy Speaker, Short Notice question No.2 hemi Kawlphe tha siamma Hydel Project Bairabi a siam khu eng- nge ni a progress ?. Tin, khumi atan khuan pawisa engzahng hman ni a, provision engzahng awm tih Minister-in min han chhang sela.

PU LALHMINGTHANGA : Pu Deputy Speaker, Member zahawm tak MINISTER. rawn zawhna pakhatna kha engnge ni. Bairabi Hydel Project khu a progress tih kha - hemi Dhaleswari Hydel Pro- ject Bairabi a mi khu detail investigation tunah hian tih lai mek a ni a. Amaherawhchu man power situation te thawk- khat lai June thla chho vel atang khan a that vak loh a vangin an detail investigation works kha tlem a sukukna a nei a. Tunah erawh chuan awin chhonzawm tan leh tawh ani.

Tin, June thla chho a Security chungchang thuah khuta hnathawk ten him tawk lo a an in hriat ai khan a luidunga work side kan tih mai hnathawk kha harsa an ti deuh a. Tichuan, anmahni a hnathawk te awmna tur quarter te leh an electric supply tur te leh an tui supply tur te khatiang kha Bairabi khawpui a khaw chhung bulah khuan siam nan kang hun kha an hmang a, chu- tih lamah chuan an progress a tha khawp mai tih kan hria a.

Tin, a zawhna pahnihna engzatnge pawisa hmanral ni tawh a, engzatnge Budget provision ah pawisa awm tih kha chu khumi a detail investigation tur atana pawisa khu kan Budget a khung a ni lova. NHEPC kan tih hemi te tih hi a ni a, chuvang chuan keimahni Budget ah hi chuan awm a awm lo ani. Chuvangin a zawhna zhhanna kha awm a awm lo tia chhan phawt a ngai a. Amaherawhchu chumi piah lamah chuan hetia kan han chhiar theih mai ah chuan, hetia kan han hriat theih maiah chuan detail investigation atan khuan NHEPC lam atang chuan cheng Nuai sawmkua leh pali an sanction a nih tih erawh chu kan hria ani, amaherawhchu kha kha kan Budget chhung a mi a ni lo.

\* PU SAINGHAKA : Pu Deputy Speaker, khu Project khu engnge a hming Dhaleswari Project tih ang khuan tar a ni a. Tlawng tih kha within bracket ah ziak a ni fawi te in. A eng zawk hi nge officially a pawm anih ? Tlawng a tih theih loh em ni ?.

PU LALHMINGTHANGA : Pu Deputy Speaker, a lui hming hianin MINISTER. a dan tlangpuiin hetiang Project hi koh a ni deuh thin a. Chuvang chuanin Tlawng hi Dhaleswari han tih nen hian kan hman pawlh nasa khawp mai a, Mizo zingah pawh hian. Chuvang chuan in hemi a investigation rawn titu tena an rawn hman dan ah chuan Dhaleswari Hydrel Project tiin an hmang mai a. Amaherawhchu kha kha hemi Mizoram lam atanga kan han ngaihtuahin remchang zawk awm a kan hriat chu Bairabi a awma hmun Bairabi Hydrel Project tih emaw Tlawng tih emaw kha a tha zawkin kan ngai a. Chumi chu thlak nise officially tiin corespondence kan ti mai ang, indawrna tunah hian a kal mek a ni.

\* PU B. LALCHUNGNUNGA : Pu Deputy Speaker, zawhbelhna he Project hi kaltluang ta ang sela, engtik hunah nge peih theih a nih ang, a target date deuh hlekin min hrilh thei em aw ?.

Tin, chubakah sawng Chhimituipui te leh hmun dang te hi engtikah nge hna tan ve a nih ang.?.

PU LALHMINGTHANGA : Pu Deputy Speaker, Tawipui bialtu MINISTER. member zahawm tak rawn zawhna kha a target date taka a fel hun tur hi a la fix theih hrih lova. Tuna detail investigation kan tih atang khuanin mithiam tena hna ngai leh a tul tur hrang hrang chhut khan kum engti nge a duh ang tih chhutin a target date a chu an la siam dawn a ni a. Amaherawhchu chutiang anga detail calculatiion leh detail investigation te tihfel a nih hma pawh khuan a general thilah chuan hemi Sawrkar pawhin a nawr dan chuan detail investigation a khu tug kumthar lo awtur chhunga tih peih tur angin a nawr a. Tin, chumi hnuah a construction hrim hrim a kha chu kum li kum nga ang vela peih tur a nawr a ni a. Mahsela chutah chuan official target date, a erawh kha chu fix a la ni ta chuang lo a ni.

Tin, Chhimtuipui Project saw Sawrkar ina a bawhzui lai mek a ni a. Sawtah sawn hna tan hun tur tunah hian rel thluk fel a la awm lova. Thawkkhawt lai kha chu tun October thla chhunga tan tur agnin tun Thal kal chho mek April, May kal chhoah khan Central Electricity Authority te leh Ministry of Energy te pawh ngen an ni a. Tin, a titu tur vek atan te pawh NHPC ngen a ni a. Nimahsela June thla atang khan hetilaiah situation danglam deuh hlek kan lo nei ta a. Quit Mizoram Notice te a lo awm leh ta a, chu chuanin a hnathawktu tur te kha leh hetiang anga target han siam a Chhimtuipui Hydrel Scheme a rawn enchiang tu tur te pawh an programme a kha a thulh tir leh ta a. Chuwang chuan a hna a keinin a duhthu leh kan zuk hriatna anga kha chu vawiin ni ah hian October thla chu a lo ni ta a, a la puitling ta rih lo ani. Nimahsela tah hianin Mizoram Sawrkar chuanin a rang thei anga nawr zel a tum a ni.

\* PU JOE NGURDAWIA : Pu Deputy Speaker, Hydrel Project nge Bairabi ti mai ila hei hi kan tum dan ang deuh a ni bawka. Engpawhnise a pawimawh ber a chu khulai tih puitlin a khu a ni ber mai a. Hemi chungchangah hian nichina kan Minister zahawm tak rawn sawi ang khan hei rambyai kan ni a, engemaw boruak khan min ti sukuk thei viau dawn a. Mahse khutiang ang bikah khu chuanin Sawrkarin Security Measure an venhinna tluang taka hna an thawh theihna tur leh smooth taka a kal theihna turin engemaw chiangkuang deuh lak a tul viauin ka hria a. Tin, hemi hi kan ram nghahfak tak tak nihna lai a awm a. Tin, chutiang ang chu a bika siam a awm em? Tin, June thla vel atanga boruak lo thlengah khan a bik takin khulai a mite tih thaihna emaw a bika hlauhawm a zuk sianna a awm em ?

PU LAHMINGTHANGA : Pu Deputy Speaker, Member zahawm tak MINISTER . zawhna kha chhawng hnihin a kal a, a hnuhnung zawk kha han chhang hmaso zawk hlauh ila. June thla chho a inthahna te a lo awm leh taka Quit Mizoram Notice te MNF ten an awn pek leh hnu khan Bairabi Project hi an target Number 1 (one) zinga mi a ni tih lehkha te kha chu Security Force lampang ten an man a. Tin, chumi bakah khut ilai a a hnathawktu te pawh kha hmun hrang hfangah tih thaih an ni a. Chumi a hriat ve leh chuan member zahawm tak in a sawi ang khan hemi Bairabi Project kher kher hi chu Mizoram tan hianin kan Economic tak tak atana lungphum tak tak tur ni a Sawrkarin a ngaih avangin a theih ang angin measure a la chho ta zel a. Army lam thuneihna te leh Civil lam thu neihna te inhmu khawmin khut ilai khu engtingge hnathawktu ten baklabna tlem thei ang ber nei a chak theih ang ber si a hna an thawh zel ang tih chu a khat tawka ruahman chhoh zel a ni a.

Tin, hemi chungchang thuah hianin Ministry of Energy hnenah te pawh a tul ang ang chu thlen chhoh zel a ni a. Tichuan, nichina a hmalam a ka sawi tawh ang khan June atanga tun October thla inkar hi chu engpawh lo nise a Work-side ah leh ramnuaiiah Security measure hna-thawktu te tana duh ang tawka a kan pek theih loh chhung chu khawchhunga an establishment siam nan hman nise tiin khuta Project hnathawktu te pawh an theih ang tawka chhuahin In an sa a, tin, Electricity, electric supply turte a khawlte an bun a, tin tui lakna te an siam a. Nichina ka sawi tawh ang khan tahchuan hna nasa tak an thawk a ni.

Tin, June atanga October thla thleng kha chu Fur in a rawn nang ta a. Chuvangin a Work-side ah khan hna thawh teuh tumin hanbei thin mahilangin a thawktu te tan pawh ruah leh khaw chhia avang khan engmah a tih tak tak theih lova. Chuvang chuan khami hunawl hmanthat dan tur kha zawngin a Project in a mamawh tho a kha hna an thawk ta a ni a. Tunah hian hei Fur chu a lo reh leh ta deuh a, a Work-side ah leh a Lui dungah hian hna tam tak thawh a ngaih a vangin Security Measure mumal zawka a awm theihna turin Co-ordination Committee te siam a ni a. Tin, chutah chuan decision thekhat khat te siam a ni tawh a, khumi vengtu bik atana entirman Security Force emaw Police emaw CRP emaw khatiang ang tam zawk dah a, hna dang pek belh chuang lova, khumi Project liau liau kha an tum a hmang turin Sawrkar chuan a ngaihtuah tawh a. Vawilin ni ah kan House Leader, kan Chief Minister a rawn present theih lohna pawh hi a bulpui berah chuanin chumi Co-ordination Committee chu tunah hian an nei mek a. Chutah chuanin mi pawimawh tak tak hemi administration piah lam a mite rawn tel an awm a. Chu chuanin tunah hian a detail programme a chu an buatsaih mek ani. Chuvangin Sawrkar chuan a pawimawh zia hriain hemi hi a theih ang tawka hna a bahlah lohna tura enkawl chho zel tumin tan a la mek a ni.

PU C. PAHLIRA : Pu Deputy Speaker, nichinah khan Minister zahawm takin khumi Tlawng tuna Project kan tih a hming thlak chungchangah corespondence a awm mek e ti a. Khalaiyah khan ka la Chiang taw lo deuh a, Tlawng hming pu ngei se ka duh deuh avangin kha corespondence an neih lai mekah khan khami official hming atan khan Tlawng nge an tih tak a Bairabi Project tih kha a sawi Chiang lo deuh hlekin ka hria a, ka han zawt Chiang leh duh a ni.

PU LALHMINGTHANGA : Pu Deputy Speaker, Tlawng Bairabi MINISTER. a ni mai ka ti. A hmun a khu Bairabi a ni a, a Lui hming a khu Tlawng a ni a.

DEPUTY SPEAKER : A Chiang maw ? tunah Short Notice question No.3 Pu Ngurdawla.

PU JOE NGURDAWLA : Pu Deputy Speaker, ka zawhna Short Notice question No 3-na-

Will the Hon'ble Minister in-charge Public Works Department be pleased to state -

When the BRTF would start construction of road between Champhai to Khawbung ?.

PU LAIHMINGTHANGA : Pu Deputy Speaker, member zahawm tak  
MINISTER. Khawbung constituency a mi zawhna  
kha hetiang hi a ni a -

Engtikah nge BRTF te hian Champhai  
atanga Khawbung kawng hi an laih tan ang tih a ni a.

A chhanna chu hemi kawng lai tur  
hianin a technical term chuanin receive survey kan ti mai  
a, survey tih hmasak a ngai a. Chumi atan chuan India  
Sawrkhar atangin fund pawisa dil mek a ni a. Chumi a rawn  
thlen hma kha chuanin an laih tan hun tur kha chu tunah  
kan la sawi thei lo ani.

\* PU SAINGHAKA : Pu Deputy Speaker, zawh belhna BRTF  
ho hian Mizoramah kawng an lai tam  
fu tawh a, hemi Champhai leh Khawbung  
tih loh hi engemaw a defence purpose hrim hrim chauh thlir  
lova, kan ram economic min tanpuitu tur atana ruahmanna  
neiin hmun hrang hrangah Zoram chhungah Project tih tum  
dang an nei em ?.

PU LAIHMINGTHANGA : Pu Deputy Speaker, member zahawm tak  
MINISTER. rawn zawhna kha a pawimawh khawp mai  
a. Defence kawng ngawt ngawt bakah  
hianin Scheme pakhat Home Ministry  
pawhin a nei a, Opening up of Natural resources an ti a.  
Chumi atana kawng siam theihna tur atan chuan pawisa pawh  
an nei ani. Chumi hnuaiiah chuan a Work implement tur chuan  
in BRTF te hi hman an ni ber a, Mizoramah pawh hianin.  
Champhai Khawbung kawng bakah hianin chutiang anga lak tur  
anga BRTF in a ruahman kan ti mai anga Home Ministry pawhin  
NEC through a a rawn ruahman a chu hmun hrang hrangah hian  
a awm a.

Entirnan Lawngtlai piahah sawn Nal-  
kawn- Chamdur kawng kan ti a. Lawngtlai piah Nalkawn tuna  
Lawngtlai atanga Kawlchaw Saiha pan phei a BRTF kawng pui-  
tling tawh atanga chhukthla tur ang te. Tin, entirna hei  
Serchhip atangin Thenz wlah, Thenzawl atangin Binghamunah,  
Binghamun atangin Marpara ah. Chu chu Thenzawl Binghamun  
Marpara kawng kan ti a chung ang te. Tin, entirnan hei  
Demagiri kawng kan tih Lunglei atanga chhuk thla te,  
Demagiri a kal thla, Phairuang atanga Kaiphai dawh chho  
a Binghamun lampang pan tur te. Chung te pawh chu tunah  
hian dil belh mek a ni a. Chutiang chuanin hemi kan ram  
economic atana tangkai tur hrim hrim zawnga kawng laih  
tur Pioneer tena an lak tur anga ruahman hi hmun hrang  
hrangah kan nei thluah a ni.

\* PU C.L.RUALA : Pu Deputy Speaker, hei Short Notice  
Question hi kan danah chuan Ordinary  
Question anga treat tur a ni a. For  
moral answer tih a ni bawk a. Ordinary question anih chuan  
in Supplementary question emaw question dang emaw an siam  
dawn chuanin permission emaw kha lak hmasak a ngai zel a,  
sarred question angin kan ti chho ta zel mai a. Kha kha  
phalsak theih zel a nih chuanin ka question ka zawh hman  
tak loh pawh kha Short Notice Question ah khani min tel  
sak ve leh mai la (Deputy Speaker : I la rawn dil ang chu  
maw han ti zel phawt ila, i la rawn dil dawn nia ).

DEPUTY SPEAKER : Kan la ti zel ang chu. Tunah Short Notice Question No. 4- Pu Joe. Ngurdawla.

PU JOE NGURDAWLA : Pu Deputy Speaker, Short Notice Question No. 4 Silk Pangang khawi chungchanga hei Mizoram ah hma kan sawn fuin a hriat a, hemi chungchangah hian engang takin nge Sawrkarin tan a lak a, engang hmasawna nge kan neih tih chianguang takin kan Minister in min fawn hrih sela.

Tin. chulakah engangnge Budget a zuk neih a, tin, ka zuk hriat duh bik tak pakhat chu Thingtlang kilkhawr tak tak te hian an tui ve fu mai a hei. Heng atan hian han tih chhoh ve mai theih turin beiseina a awm thei ang em tih chianguang takin Minister-in tawi lutuk lovin min han hrih thei sela ka lawm ngawt ang.

\* PU F. MALSAWMA : Pu Deputy Speaker, a sei that duh hmel viay mai a, a zawhna heta min rawn pek ai mah khan a zawhna heta ataka a rawn zawhna kha a sei ve leh tawh a. Amaherawhchu tawi kim tak si a hetiang hun tawi te kara han sawi chu a har viau dawn a, kan tan lak dan tlangpui han sawi phawk phawk ka han tum anga. Sericulture hi kan hriat angin Mizoramah chuan a Sign Board hi kan hmu a ni deuh mai a. Houseah pawh 1979, 78 vel khan member tam berin awmzia a neih loh thu leh a Department pumpui khar mai a tha tih thute ngaihthlak a ni a. Member thenkhat atengin. Tichuan, Mizoramah hian Sawrkar chuan tanlak vak a sawt tur chi anih leh nih loh uluk takin a ngaihtuah a. Sawt thei tur chi nia hriat a ni a, tichuan, a hmasa berin hetiang hian ngaihtuahna a awm ta a. A cocoon man hi ti pung phawt mai ila, tichuan, miin an rawn thar tam anga, chumi an thar tamna atang chuan a man tamna hi khuh hnehna a awm ang tih beiseina a awm a. Tichuan Ery (Mutih) a Cocoon a chi atana hman leh tlak a chi pai, a rannung a kha a nih chuan 7p (pawisa pasarih) nisela, amah ringawt, a cocoon a ringawt, a chi atana hman tlak loh a nih chuan 3p (pawisa pathum) nisela kan ti a. Chumi ratio a chu 7:3 (seven into three) a nih chu, pawisa pasarih (7p) leh pawisa pathum (3p) angin.

Tin, Muga leh Tsasar hi chutiang anga a chi hman tlak a nih chuan 10p (pawisa sawm) nisela, a chi atana hmantlak loh anih chuan 8p (pawisa pariat) nisela, 10p (pawisa sawm) leh 8p (pawisa pariat) anih chu. Tin, Thingtheihmu Pangang chi hi a chi a hmantlak a nih chuan 8p (pawisa pariat) nisela, a chi atana hmantlak loh a nih chuan 5p (pawisa panga). Chutiang ang chuan a kan tunhma aia to khan han siam chhuak tak lawih a ni a. Tichuan, mi an lo thangharh ta a, hei hi a bul berah chuan miina an rawn tui phabna a ni a. Tin, bhubakah chuan a man pek harsat thin leh minimal thin lo a kha Cocoon man a hi tih zar zar tul nia hriat a ni a. Chumi atanah chuan tanlak zel a ni a. Amaherawhchu Thingtlang hmun kilkhawrah te chuan duh angin a la chak tawh thei lo a ni mai thei a. Amaherawhchu tunhma lak chuan a man hi awlsam zawk a pek dan ngaihtuah a ni ta a, pek pawh an lo ni ta a.

Tin, a dawt lehah chuan a chi hi seeds kan ti a, a khawi tur a kha, private hnenah sem an ni baw k a, chu chu tihpun an ni baw k a, chak zawka pek chhuah an ni a. Tin, chubakah chuan a chi tam zawk a neih theihnan khan leh a natna laka hrisel tha, a chi a vulhtu te tana buaipui awm loh turin Scientific system for granech kan ti a chu chu buatsaih a ni ta baw k a. Tichuan, natna laka fihlim, a chi tha pekchhuah an lo ni ta baw k a. Tin, man lo in pek zar zar an ni baw k a, ka sawi tawh angin.

Tin, Government in Farm a neihna hmun hrang hrangah hianin a rawn en duh te tan leh rawn zir duhte tan Demonstration rearing an ti a, entirnan a ulh dan a kha lo zirtir zel theihna tur kha buatsaih a ni baw k a. Tin, tunah hian hmanni a kan ngaihthlak tawh angin Planning Commission ah Directorate hranga awm turin rawtna thawn tupa ruahman fel a ni tawh a. Tin, chung bakah chuan Village Level Centre kan ti a, chu chu Thingtlang hmun hrang hrang ah thingtlang mipuite tana tangkai thei tura Centre hawn tam tum a ni a, Government Farm tih ni lo ang chi hi.

Tin, a Cocoon process centre hi tunah proposal zinga rawtna Sawrkarina a neih mek zinga mi a ni a. Tin, a Silk yarn kan tih a hi a la duang siam khami a siamchhuah tur a kha production cum-training centre, chu chu din turin Planning Commission ah rawtna siam mek a ni baw k a. Tin, chubakah chuan kha a la yarn a kha hralhna tur tha kan neih theih nan Market zawm a ngai baw k a. Chumi chu tunah hian kan Officer in hmanni lawk khan nasa takin a zinkual a, a hralhna lamah harsatna a awm loh tur thu a zuk hmu tawh baw k a. Tin, a pawisa lam chungchangah chuan Member zahawm tak tak ten hmanni khan tlgmin a point kan sawi sual deuh hlek a, min ngaidam ula. Hemi Sixth Five Year Plan atan hi chuan Non-Plan a Nuai sawmpakha leh point sawmnhieh leh pakua a awm a. Planah Nuai sawmnhieh leh paruk, a vaim Nuai sawmla panga point sawmnhieh pakua. Tin, Budget provision hemi 1983 leh 1984 atana deh chu Nuai sawmnhieh leh point sawm a ni a, chu chu Non-Plan ah. Planah chuan Nuai sawmruk leh pasarih leh point sawmriat, a vaim Nuai sawmriat leh point sawmkua a nih chu.

Tin, (b)-naah chuan Sawrkar hian Sericulture hian hlawhtlinna tha tak a nei ani tih hi Sawrkar hian a hria em tih a ni a. Chu chu hre ve baw k e, tih a ni mai ang chu. Tichuan, hetiang hian hmasawna han tarlan theih mai awm chu a ni a. Entirnan a chi atan hei seeds kan tih DS LS kan ti mai a, a number zawngin a ni a, hei hi a Kg zawng ni lovin. 1980 leh 1981 kum Number singruk leh sangkhat leh zasarih tharchhuah a ni a. 1982-83 August thla thlengah hi chuan chutiang anga a chi atana hmantlak chu Nuai hnieh leh sing nga leh sangruk leh zahnih sawmruk pahnieh tharchhuah a ni a. Tin, a cocoon hrim hrim te nen a lak vek kha a chi te nena tel vek khan nikum lama Kg sanghnih leh zali atang khan kumin August thla thleng kha chuan nikum lama sanghnih zali ni thin kha kuminah ringawt hian Kg singhnih leh sangkhat leh za leh sawmnhieh tharchhuah tawh a ni baw k a. Private rearer in a acre za vel hemi atana an huan thlai atana an hman a kha tunah chuan acre zasarih velah a chho ta baw k a ni.



DEPUTY SPEAKER : Kan zawhna hun hi a tawp tawh a, tih belh leh zel kan duh em ? engnge ni in ngaihdan ? Kan zo law law ang maw ?  
A nih chuan nichina kan sawi tawh angin Pu C.L.Ruala ta te pawh kha nung leh vek se a ni mai a lawm, a tha mai maw.  
( Member.te : Tha e ).

\* PU SAINGHAKA : Pu Deputy Speaker, Cocoon thar zat tuna kan Minister in a rawn sawi kha a number a tam hle a. Kumin August thla thleng khan heng cocoon lei na atan hian a Pangang khawitu ten cheng engzat nge an dawn ? a vaim min hrilh theih em ?.

\* PU F.MALSAWMA : Pu Deputy Speaker, a bithliah chiah MINISTER. chu ka sawi thei lova, cheng nuai thum vel a ni hemi atana kan pek chhuah hi.

\* PU SAINGHAKA : Pu Deputy Speaker, chu chu hmanral tawh maw ? mipui benefit.

PU C.PAHLIRA : Pu Deputy Speaker, kum lo thar tur atana hemi Pangang khawituf te hnen ah hianin Sawrkarin a seeds hi pek daih ngei a inhuam em ? tih ka han zawt duh a ni.

\* PU F.MALSAWMA : Pu Deputy Speaker, harsatna awmlo MINISTER. tur chuan kan beisei a ni tunah hi' chuan. Amaherawhchu Mizoram mipui zawng zawng lo kal ta thut sela chu a harsa lo ang chu a tih ngawt theih lova. Chuvang chuanin tun thlengin mi a vulhtu awmte atanga an pun zel dan kal-hmang han chhut hian erawh chuan harsatna awm lo turah kan ngai a. Tin, Pu Deputy Speaker, hmanni a kan member zah-awm tak khan Pangbal chungchang kha lo hre zui tur khan min chah bawk a, kha kha ka han sawi leh nghal mai anga.

Pangbal kha hmanni a ka sawi tawh ang deuh hlek khan a Pangang hi a ti hrisel lo duh deuh in a cocoon a kha a ti te duh deuh nia hrakatna a awm a. Amaherawhchu chu chu uluk taka a thiam zawkte hnenawh chhuah a ni tawh a he thil hi. Chu chu Mutih kan tih nen hian chinpawhlin a hman kawp theih a, hlauhthawn tur a chingtute hnenah hian a awm lo tih hrilh theih niin a lang a ni. Khatia chin kawp khan a Pangang sentet zual lai khan nikhat atanga nili inkar vel ang hi a ni ang chu, khatiang ang chung velah khan Mutih hnah pek theih nisela chumi hnu lama Pangbal pek chu a saalna a awm lo niin a lang a. Chuvangin a chaw atan rin zel theih a ni bawk a Pangbal chin chu Sericulture lampang chuan khap lo lampang kan remti niin a lang.

\* PU B.LALCHUNGUNGA : Pu Deputy Speaker, Pangang vulhtu te chhak leh thlangah an lo pung zel a. Tichuan, tunlai hian mi then-khat khat ten hetia Pangang vulhtu te an lo pun tak zel avangin a man a tla hniam leh dawn tih te a lo awm a. Chuan Li tha tho tam tak te khanin thatho loh phah nan an hman phah ta a. Tichuan, Sawrkar hian Cacoon man hi pawisa pahnih (2p) a tih tlakhniam an lo tum reng em ni tih kha ka zawt duh a.

Tin, chubakah chuanin Department atangin a chi rawn la rawh u tih hi a ni kher zel a, mahni pawhin a chi chu a siam ve thei a. Tin, a hrisel leh hrisel loh chungchang thuah Departmentin a hrisel lo kan valh pah an hlau a nih si chuan a hrisel leh hrisel loh entur khan anmahnin a vulhtu tak tak te hnenah khan va kalin sa ensak ta mai zel selangin. Chuti a nih loh chuan kumin ah pawh hian a vulhtu an pung thut dawn a ni a. Kha tah khan Department in harsatna a tawh mai thei a. Chuvangin a vulhtu tena a chi an siam ve hi phalsak ta mai selangin. Nikum ah pawh khan ka han ti ve a, a chi chu ka siam thiam ma a a that ve zia mai chu. Chuvang chuan a vulhtu ten a chi an siam ve hi phalsak ni mai sela a tha mai dawn lawm ni ka ti a ni.

\* PU SAINGHAKA : Pu Deputy Speaker, kan Minister khan-in August thla thlenga kan cocoon thar kha a thi leh thi lo a chi atan a tlak leh tlak loh kha Nuai hnih leh singnga leh sangruk leh zahnih sawmruk pahnih a ti a. Hetihlai hian Muga leh Tsasar an ti emaw ni khami a kha pawisa 10p a ni si a, Nuai thum a tih kha ka lungawi tawh lo viau mai ka ti. A thi awm teuhin ka ring a. Nuai hnih leh singnga vel a lo ni a. August thla thlenga hman kha Nuai thum a ti mai si a.

\* PU F.MALSAWMA : Pu Deputy Speaker, hetah hian hriat MINISTER. pawh a awm mai thei a. Private ho ta atanga lei leh hei hi chuan Government in a thar ve inpawh a kha a ni a. Chuvang chuan Private hoin an rawn tih a kha chu hei hi chu a tling lo deuh anga. Chuvang chuan Government in a Farm a a thar chhuah te nen vek a hei hi chu in chawhpawh tawh a ni a, chuvang chuanin private ho tana pek a kha cheng Nuai thum vel sanctioned tawh a ni a. A cocoon rawn pe tawh te hnenah chuan a man pekchhuah tawh an ni kan ti a. 1982 leh 83 chung atana khami atana pawisa awm zawng chu cheng Nuai thum leh point sawmriat panga a ni a. Chu chu hemi a a lay ang nen a hisap kha chuan a inmil lo deuh mai thei. Government Farm a mi kha chu a hran a pek hran leh a ngai tawh lova.

Tin, member zahawm tak Tawipui ai awhin a zahawm a seeds chungchangah chuanin private in an lo tih ve chu phal teh meuh mai a ni a. Mahse an-mahni pawisa an lo duh ve si a, Sawrkar hnena rawn hralh phawt a chutia lak let leh kha an duh a, a awm dan chu.

Va daha mahni ta pawh lakleh tur anhh avang khan pawisa kha dawn tel an duh si a, an dawn duh loh pheih kha chuan anmahnin vulhin Puan siamchhuak se Sawrkarin pawl a ti reng reng lova, a theih phawt chuan a pawl chuang reng reng lova. Tin, thingtlang hman hlahh khan khangte kha va kan thei se tih a kha hei IRD hnuai hian theihawp a tan lak tum a ni a. Tin, mumal takin hei hi Sawrkar atang pawhin pawimawh kan ti a Department ah direction pek pawh a ni tawh a. Chumi atan chuan duhthusam ah pheih chuan thingtlang tlawtu tur Demonstrator te hi awm sela tiin ruahman a ni a. Amaherawhchu hei kan hriat theuh angin a Department a hi a la naupan avangin duh ang takin a la indaih thei lova. IRD hnuai atang hian thingtlang khaw tam tak hi chu cover theih tura ruahmanna chu tunah hian a awm mek a. Amaherawhchu engang chenin nge khang kha a kalkawina dang dang tur a kaltlang hunah a lo chhuah ang tih erawh chu a sawi thei loh va. Zo khaw lamah pawh khan theih ang tawh a tih chu tum a ni a.

Amaherawhchu entirnan he lai Centre awm hnaih lohna lai deuh hlek Laisoral te nen zuk tlawh vek a. Khanpui te nen tlawh a hetah Tawipui lam a va pheih leh tur kha chuanin a Staff an indaih vak lova. Chung angah chuan Sawrkarina hmalak theihna tura a pumpuia Sericulture in a hma a sawna kalcho zelah a la in her chhuak zel ang chu tih beisei ila a tha awm e.

\* PU JOE NGURDAWLA : Pu Deputy Speaker, zawhbelhna, mahse ka zawh hmain tlem han sawi lawk ila a tha awm e. Hei kan han hmuh atangin kan hlawhtling fu mai a, hetiang hi Mizoramah hian a tam vak lo mai a, Sawrkarin hma an hruaiin thil a han seng a, a result chu hei kan hre theuh anga, a hnuemhanna chu mipui-in kan hre bawh anga. Chuvang chuan Industry rau rau ah pawh hei thenkhatah chuan pawisa an rawn pe a, a lo kal leh a loan pawh ruh hleih theih lohna te a ni nual mai a. Chuvang chuanin Sawrkarin a sen chhohna leh a han tih chhohna leh Department hrang hrang pawhin a han lakna hi evolution a ni. Siam thuain kan hlawhtlin theihna bik leh scope awmna kan ram economic chawikang thei tur tunlai chuan in tih tak meuh a tlan pawp pawp hi a tul tak meuh meuhin ka hria a. Chutiang ang chi a kan tlan thuai loh chuan tunah pawh hei Sericulture pawh hi nichina kan Minister zahawm takin a rawn sawi ai khan la tlan chak , ngaiin ka hria a. Chuvang chuanin tih tak meuh a mawng-vawmba ang mai a Sawrkarin staff reprovment te leh khang kha tih a ngai tak meuhin ka hria a. Chu chu kan Minister zahawm tak khanin min chhang lo mai sela Pu Deputy Speaker, min lo note sak se ka lawm ngawt ang.

Q PU F. MALSAWMA : Pu Deputy Speaker, chhan loh kan nei a, a man tlak-hniam chungchang kha chu kan hre lova. Mahse engpawhnise thil hi a hniam zawngin a kal lova Hamleta'n ka hriat loh hlanin Vanram min kaltirin tum elo a tih ang deuh kha a ni a, kan hriat loh hian sawi hi an ngah ve mai a. Chuvang chuan hei hi chu tunah rih chuan hlahthawn awmin ka hre lova. Tin, tuna kan member zahawm takin a rawn sawi kha a dik viau a, Sawrkarin hei hi a hria a. Dik takin kan L.G.

hian mi a tuipei em em a, kan Sawrkar lu ber atangin kan Chief Minister te, Minister dang zawng zawng pawhin Agriculture a chuam tam tak ngai ang hi Sericulture ah chuan a ngai ve meuh lova. Tin, necktie suih chung pawhin hei hi chuan a. Mizô rilru mil zawng tak chu ni awmin a lang a, kan tih peih chi awm tak niin a lang a. Chuvangin Sawrkarin a pawimawhna hi a hre viau a. Chuvangin lawmawmah i ngai ang u.

DEPUTY SPEAKER : Short Notice Question No.5  
Pu J.H. Lianchungnunga.

PU J.H. LIANCHUNGUNGA : Pu Deputy Speaker, Short Notice No.5 hi kan Minister, zahawm tak Education incharge min chhan atan ka zawt a. Chu chu Serchhip College tun thlenga khay a ni ta mai hi Sawrkar hian a hria in a tihreh dan a ngaihtuah em ? Tin, lo ngaihtuah ta nisela engnge tunah hian a tihdan ? tih ka rawn zawt e.

\* PU F. MALSAWMA : Pu Deputy Speaker, Serchhip College  
MINISTER. hi hei lehchen hi khar a ni a. Official tak chuan hriatna kan nei lem lova. Amaherawhchu, mahni bengvar chungchangah theih tawkin information te lak khawm a ni a. Kan hriat angin private College a ni a, Managing Board hnuai a awm a ni a. Chung a Board dik tak rawn thlentu tur ten mi engmah hriattirna an neih hma kha chuan officialin kan han in hnambawih mai thei lova, engngeni thil dik lo awm tih kha. Chutah chuan Zirlaihotte ten Sawrkar an rawn dawr ta a, chumi atang chuan information theih ang ang lakkhawm a ni a.

Chuti-chuan Sawrkarin pawisa lamah te thil kal dik tawk lo awm ni awm a rawn sawina a awm tel a, College thuneitu te chungchangah an rawn thlen then then te chu chhui turin Department Officer a tir nghal a. Chu chu a kal tawh a, a lo kir leh tawh a a report pawh a pe tawh a, chu chu Sawrkarin tunah hian a exam mek a, a progress siam chungchangah chuan (b)-naah khan tunah chuan naupangho pawhin class an tan leh tawh a, ni 18 atang khan class tha tak an nei leh tan tawh a ni.

PU J.H. LIANCHUNGUNGA : Pu Deputy Speaker, Zawhbelhna hemi Serchhip College hi tun tum mai pawh ni lovin, tunhma atanga hemi an buaina hlin hi chhuak tawh fo niin a lang a, chu chu Sawrkarin a hria em tih a ni a. Hemi an buaina ni awma lang, mi tam ber atanga hriat, Scholarship hi hmu kim si lova, Fee Remission an kir lo bawh hi a ni a. Engtiziange Fee Remission tal pek an nih loh tih chu ka zawt duh bawh ani.

Tin, thawkkhat lai khan College chu Board chuan College chu hawng turin a ti niawm takin ka hria a. Amaherawhchu naupang pahnih chauh an kal a, zirlai te chu an la lungawilo hle tih chu hriat a ni a. Chu chu a dik em tih kha ka zawt duh bawh a.

Tin, hei hi ka zawt duh bawk a, a ruala kan Ministerin min chhan theih takin. Hemi College Principal chungchanghian an lungawilo niin a lang tlat mai a. Tuna naupang Aizawla lo kalfe pawh kha engemaw tawng mawilo deuh hlek Politic lampang riva deuh hlek te pawh Principal ka atangin an lo hria pawh a ni mai thei a. Chu chu Sawrkar hian hriatna a nei em? Tin, Minister hian engnge a lo tih theih? tih sawi anga Principal an puhna hi a dik em tih ka zawt duh nghal bawk a. Tin, nau-pang za engemawzat hei leh chen Class kal lova awm hi an nungchang bakah an zirna lamah harsatna leh hnufualna an tawng ang tih chu kan hre theuh anga. Tuna Sawrkarin Officer pakhat helai pawisa chungchang a thil tifel leh endik tura a tih ah hian ( chak zawkin tuna a tum pangngai chu kan hre lem lo main ) engtik hunah nge hei hi a zawh theih ang? Tin, action lak tur te a awm chuan a la nghal ang em tih pawh ka han zawt nghal duh bawk ani.

\* PU F.MALSAWMA :  
MINISTER.

Pu Deputy Speaker, member zahawm tak in a rawn zawh thenkhat khat te kha chu Sawrkarin a hria a. Amaherawhchu miin an rawn sawi kawngkhat atang ringawt kha chuan ngaihdan a siam theih lova, a lehlamin engnge sawi tur an neih ve thudik engnge ni tih kha hriat a ngai deuh hlek a, hriat chian tum takin tunah hian chhui a ni a. Hemi kan Officer tih pawh hian ka sawi tawng ang Khan report a pe tawh a, ani hi action la theitu tur a ni lova. Chuvang chuan a thuneitu, a authority te hnenah a thelut tawh a, chu chu Sawrkarin a thil tur a ni a. Tunah hian engangin nge action lak a nih ang tih emaw kha a sawi theih mai lova, thudik a kha engang chiah nge ni tih a kha uluk takin Sawrkar chuan a lo chhui dawn a ni a.

Tin, Politic lam chungchang te kha chu Minister te chu Public Leader kan ni a, duh ang angin miin engangin nge an lo tih tih te kha chu tih theih a ni a, tih pawh an tih chu a thianga. Amaherawhchu hei hi an sawisel pawh a thianga ni. Amaherawhchu Collge chungchang ah hian erawh chu zirna atana tha tur, ram tana tha tur ang bak a kha ngaihtuah tel theih a ni lova. Politic lam hawi zawng emaw engtikawng mahin honghian Sawrkar chuan chhui a tum chuang lova. Amaherawhchu thudik erawh chu hmuh chhuah a a tul anga thiltih chu a tum ang.

\* PU. BUALHRANGA :

Pu Deputy Speaker, zawhbelhna nichin-a ka hma a zawttuin a zawh ang khan, Serchhip College chungchang thuah hian sum leh pai ah sawiseln a ri fo tawh a, tunhma atang tawhin. Hetah hian ka zawhna pakhatna a tanah chuan - Private College nimahsela Sawrkar hian pawisa tam takin a tanpui a, chu a tanpuina pawisa chu hman dik a ni em tih a check zui a hi thiltih theih tur niin a langa. Tichuan, Serchhip College chang lo ah pawh Private High School, M.E.School leh College dangah te pawh Sawrkarin khang Educational Institution an tanpuina pawisa kha engangin nge an hman zui tih en zuiin audit te a nei ngai em?.

Tin, pahnihaah chuan Serchhip College chungchang thuah khian University Scholarship pe chhuaktu helaia Secretary Office atangin thla kua (9) atan naupangte hnenah pek tura pawisa sanction a ni a. Thla sarih (7) atan pawisa kha naupangin kan la an ti a, chutichuan thla hnih (2) Scholarship an hmuh tur a kha hmu lo gi a an in hriat a hi School, College Class kalai chawlhna reng tlak niin ka hre lova. Zirlai ten chuti-ang anga harsatna an neih chu thil enfiah awl te niin a langa, chu chu Sawrkarin a ti thuai thei lawm ni ? Naupangina an education an hloh ai chuan. Tin, hetiang ang enquiry la turte hian pawisa chungchangah te phei chuan tunlai kan khawtlang nun leh inthamna tamna boruak ah hian Officer pakhat mai tirh ai hian pahnih te, pathum tirh te a tha zawk lawm ni Pu Deputy Speaker.

\* PU F.MALSAWMA : Pu Deputy Speaker, hemi thla kua  
MINISTER. leh thlasarih tih chungchang hi a  
buaithlak khawp mai a. A latu nau-  
pang a te kha an lo fin ve viau  
loh phei kha chuan, tuna a landan mai phei chuan a thla  
zat, thlakua ti khanin signature an lo pe thlap mai si a,  
tih kha buaithlak ve deuh mai a ni a. Engpawhnise hemi  
chungchangah hian Sawrkarin confidential in a chhui mek  
kan tih tawh kha, thildang dang tam tak te pawh audit  
chuan hmuhchhuah a nei a. Amaherawhchu heng chungchangah  
hian Sawrkarin thuneitu dik takte an chhui tir a. Officer  
pahnih pathum turh pawh kha a tul chuan tih a ni ang a.  
Amaherawhchu a tulna Sawrkarin a la hmu rih lova tunah  
chuan thil a chhui mek a ni a.

Tin, dominate pek kha audit zui kha  
a pawimawh khawp mai a. Amaherawhchu Staff hi kan neih  
that tawk loh avangin Department hian a ti lawk thei lova,  
engahemaw tul leh rawn nawr thut bikte a awm kha chuan  
auditor te tirh an ni a. Tin, grant pek leh dawn reng  
reng hian khami an hmandan an utilization a kha Certificate  
dil vek zel an ni a. Chumi tel lo chuan grant hi pek zawl  
leh an ni lova. Heng an hman dan a hi a chang chang chuan  
kan Staff te indaih danin audit tir a enzui leh chu an ni  
ve a ni.

PU J.H.LIANCHUNGNUNGA : Pu Deputy Speaker, Serchhip  
College Governing Board khi eng  
anga Constitute nge ni? Heng  
Chairman te leh Principal te hi pawisa chungchangah  
hian an inhum viau a ni tih te hi a dik em ?.

\* PU F.MALSAWMA : Pu Deputy Speaker, Sawrkarina dan  
MINISTER. Rules a siam hmanga Board khi siam  
an ni a. Chu chu tunah hian an term  
a tawp tawh a, an Board kha a  
function tawh lo tura tihna thu pawh thawn an ni tawh a.  
Principal leh Chairman inkawp dan chungchangah erawh chuan  
tunah House-ah chuan sawi tur engmah ka neih rih lem lo.

DEPUTY SPEAKER : Pu C.L.Ruala Started Question No.22-na kan la ang. Tunah Pu C.L. Ruala i lo sawm angu.

\* PU C.L.RUALA : Pu Deputy Speaker, ka Starred Question No.22-na -

Will the Hon'ble Minister incharge Supply and Transport Department be pleased to state -

Is it a fact that much quantity of rice, sugar, salt, K.Oil etc. have been sold in black by the retailers of various villages?

DEPUTY SPEAKER : Tunah Minister chhang turin i lo sawm ang u. Pu Zairemthanga.

PU ZAIREMTHANGA : Pu Deputy Speaker, zawhna hi hei MINISTER. khaw hrang hrangah retailer thenkhat ten Buhfai te, chini te, chi te, khawnvartui te hi black in an hralh tih hi a dik em tih a ni a. A chhanna chu Chini te, Buhfai te, Chi te, hi khaw thenkhat a retailer thenkhatte chuan an hralh ni awm a report na hi dawn a awm thin ani.

\* PU C.L.RUALA : Pu Deputy Speaker, zawhbelhna, retailer ten an hralh rukna kawng hi a inhawng zau deuh hlek niin a lang a. Entiran - Retailer in Buhfai a lak chuan Zirtawp ni emaw Nilaitawhtan niin emaw la ta sela Inrinniah sem zo turin D.C.lampang hian instruction an pe a. Lo a riak te kha Inrinni tlaiah an lo hawng ve chauh a, an la ve hman si lova, khatiang khan lak loh hi a tam em em mai a. Hemi a problem an hralh theihna chance tam ber hi a tihtawp theih niin ka ring a. Amaherawhchu Lo a riak lo pawh nisela, han in todelh theihna chu an nei hman lo an ni a. Chuvangin an lak an semchhuah theih atanga karkhat chhung chu kawl tur angin ngai ta sela, Sawrkarin. Chutiang chuan an hralh tur tam ber kha chu a lei tur dik takin an lei hman vein a rinawm a. Chutiang chuan Sawrkar hian a ti thei lawm ni?.

PU ZAIREMTHANGA : Pu Deputy Speaker, a tihdan tha ber MINISTER. tur chu ngaihtuah zel a ni e.

\* PU SAINGHAKA : Pu Deputy Speaker, kan Minister zah-  
awm tak khan helai zawhna ang hianin  
report pawh kha Department in an lo  
dawng ve thin tih kha a sawi a. Chutiang anga Department  
in black a Salt te, Sugar te, Rice te leh K.Oil te hralh  
ruk a ni tih report an dawn chuan chutiang retailer te  
chu an hrem reng em? Kumin chhungah hian engzatnge retailer  
chutiang anga hrem awm tawh ? An chawitur a nih chuan eng-  
zatnge an chawitur a, tin, ban an nih chuan engzatnge ban  
awm tawh ?.

PU ZAIREMTHANGA : Pu Deputy Speaker, kumin 1982 chhung  
MINISTER. hian chutiang anga hralh ru report  
awm chu sawmpathum (13) enquiry neih  
a ni tawh a. Chumite zingah chuan  
thenkhat chu an lo tihruk ralh tir leh a, a bik takin  
na taka warning pek zui a, chhinchhiah zui te an awm a.  
Thenkhat chu ban pawh an awm ani, ban hlawl chu pakhat  
a awm, a zat kha iti bawk a.

PU ELLIS SAIDENGA : Pu Deputy Speaker, Retailer te tun-  
hma khanin hun bi tiam a, kum tiam  
chin awm niin ka hria a. Chumi hnu  
chuan hunbi awm lem chuanglo, tukchin awm chuang lem lova  
tih chhoh niin a lang leh a. Tunah hian engang takin nge  
Sawrkar hian a ruahman? Bi nei chuang lova a thei thei  
hunbi awm chuang lova theih chin chin tir turin nge a  
ruahman a, a kumbi chuti zat chu ni rawh se tiin ngaihdan  
a siam dawn em tih ka zawt duh ani.

PU ZAIREMTHANGA : Pu Deputy Speaker, retailer, Fair  
MINISTER. Price Shop Dealer te hi kumnih atana  
tih an ni a. A bakah a tul chuan  
Directorin kum khat a tihsei belh  
theih ang tih a ni a. Chumi bakah tihsei leh a tul chuan  
Sawrkarin a tuldan angin a tihsei belh leh theih ang tih  
a ni.

DEPUTY SPEAKER : Chuti anih chuan Calling Attention  
ah kan kal anga. Calling Attention  
Notice Pu Saidenga ta kha kan hmu a,  
hei Polytechnique Class Room CRP ina an luah chungchang  
thu khil fel lo nia a hriat hei hi rawn sawi sela. Chu  
chu Education Minister in a chhang anga. Chu chu a ni  
hrih mai, Debate a awm thei lo anga, kan dan 57 -na ang  
kha, tunah Pu Saidenga.

PU ELLIS SAIDENGA : Pu Deputy Speaker, Lunglei Poly  
Technique Institute chungchang thu  
a Calling Attention rawn put luh  
a tul ta mai Hi a pawl ka ti a. Hemi chungchang thuah  
hianin a Story engemaw chen House leh kan Minister pawhin  
a hriat a tuln ka hria a. Kan hriat angin Mizoram a  
Institute pawimawh tak kan neih chhun Poly Technic,



Engineer/ Overseer zirna tak kan neih chhun Lunglei a awm chu kum khat kal ta atang khan tan a ni a. A In leh hmunte remfel tak tak a la nih loh avangin chumi chung chuanin an zirna hmun luah turte zawn a ni a. Chuta tan chuanin Lunglei Government College Room chu hawh a ni a. Nimahsela harsatna engemaw avangin Lunglei College a Room thenkhat an luah chu a lo theih ta lova, chuta tang chuanin hmun dang buatsaih leh a ni a. Sawrkar lam a hotute leh D.C. leh sawti lam a Institution a hotute nen a inbiain Lunglei a D.C. Office Complex atana sak chu Class neihna tura ruahman a ni a.

Amaherawhchu he Class neihna tura ruahman D.C. Complex atana sak hi CRP hoin an luar tlat mai a. Chuvang chuan Class a khaih lak hlek hlek thin a tunhma pawhin. Sawrkarin hei hi siamthat tul nin a hriat avangin CRP ho hi chhuak sela an chhuahna tur hmun ruahman ni rawh se tiin a ti leh a. An awmna tur chu Lunglei Bazar chhakah sawn In tha tak tunah sawn sak a ni a. Ti-chuanin CRP te chuanin chhuanlam hrang hrang an siam a, kawng approach road a tha lo tih te, Choka a awm lo tih te, Zun In te Ek In te a awm tha lo, tih te an chhuanlam a. Chung zawng zawng chu tunah hian peih vek a ni tawh a. Chutah chuan 21 CRPF ho chuan, chhuak mai tur kan ni a, amaherawhchu 58 CRPF an lo kal dawn a, an lo kal hunah chuan chhuak mai turin an ti thlu a. Chhuanlam tam tak an siam a, an lo kal mai dawn ni a an hriat avangin, student hote pawh chuanin harsa chung chungin khawilal lai te emaw an luah kawin a ni.

Amaherawhchu September 18th atang khanin Poly Technic a zirlai hote chu tihngaihna dang awm tawh hek lo an luah tur luahtu tena an chhuahsan duh tak si loh avang chuanin an beidawng a, an vakvai ta a. An Hostel te chu luah theih lohina a awm ta a, tunah hian an tin darh a. September ni 18th 1982 atang khanin Class an nei thei ta lova. Thla khat chuang zet mai Class nee lain an awm ta a ni. He thil hi Sawrkarin a bongkhawh a, tih tak zet a a damdawi a zawn hi a tul tak meuh ani. Ka sawi tawh ang khanin Mizoram a kan zirna In neih chhun kan la neih reng reng loh, kan neih chhun North Eastern ah pawh tam awm lohna hemi a zirlai tena manganna an tawh hi a pawh a ni. Zirlai tan chuan nikhat Class thil pawh hi thil pawh tak a ni a. Tunah chuanin thla khat chuang zet zirlai ten Class an nei thei ta lo ani, tah hian tu nge mawphurtu ni ang ?. He an Class neih theih lohna hian nakin hnu a kan ram leh hnam development a kan kal chhoh zelna turah hian engnge effect a neih dawn tih hi vawilin niah hianin kan hriat chian a ngai a ni, kan ngaih tuah a ngai a ni. Tunah Technical lamah Overseer te kan mamawh em em a, kan in hmu zo lova, phai lam a mite kan chah a, an lo kal ngam loh lai hi nin kan ramah Zirna hmun kan neih ngeina a zirlaite chuan harsatna an tawh mek a. Tuna an Class neih theih loh avang hian fail-na te an zirte lo tluang chho lo ta selangin engemaw chen kan ram hian harsatna a tawkin hmasawna a thuanawp phah dawn a ni. Chu chu kan hriat a ngai a ni. Tunah hian Zirlai te hi an khawngaih-thlak a ni. Heng CRP hoin a an luah avanga kan ram dinhmun chhe tur hi kei chu lung-chhiat thlak ka ti ani. CRP te kan Police te hi min venghantu tur mipuite thamuantu tur ni ah mipui chuan kan ngai a. Amaherawhchu kan zirna kawng min tibahlah tur lama an khawsa a nih chuan ngaihthiam kar ka ti a, pawh ka ti a. Vawilin ni thlengin an la chhuahsan lo nia hriat a ni a. 21st CRPF hote chuan kan chhuahsan mai ang an ti a.

Amaherawhchu, an chhuahsan a an chhuahsan hnu lawk chuan 58th CRPF hoin an rawn luah leh nghal ta a, a ngai ang chiahin a kal leh ta a. Engtingge kan kal zel dawn, a huih thlak a ni. Hong CRPF ho vanga kan ran dinhmun chhe tur hi ka ngaingam lova, vawiin ni ngeiah hian kan Sawrkar hian ngaihtuah rawh se. Vawiin ni atang hianin kan Sawrkar hianin engang in nge a ruahman dawn tih a mawhpurtu ten min chhang thei se tih ka duh a. Tin, a nih dan takah chuan hong IGP te thu lo chuanin chhuahsan mai thei lo tur te pawhin an ingai niin ka hria a. Tunah pawh hian IGP Police lam a kan hotu ber thu leh hla hi a pawimawh hle ang. Chuvang chuanin kan IGP te pawh hian thu leh hla an neih thuai a tul dawn a. Chuvang chuanin vawiin ni ngeiah hianin Student ho dinhmun, an Class dinhmun hi hre chiang thei ila ka duh a ni.

Tin, vanneihthlak takin kan Sawrkar hianin ruahmanna fel tak vawiin niah hianin lo pe thei ta ni sela. Tunah hianin Studentho chu Mizoram hmun hrang hfanga awm te an ni a, an haw darh vek tawh a. Heng information pek chungchang thuah pawh hianin kan Sawrkar hian Class tan leh thuai tur an nih leh nih loh te pawh hi sawi chiang sela, Circular tha tawh siam sela, All India Radio ah hial puantir se. Chuti a nih loh chuanin engtingge Class tan anih theih anga, eng hunah nge Class tan, a nih ang tih hi an tan hriat a har tawh ani, khaw kilkhawr tak tak a awmte an nih avangin. Sawrkar hian vawiin niah ngei hianin hemi chungchang thu hi sawichiang thei sela, kan hotu te pawhin min hrilh chiang thei sela ka duh a. Ka duh thusam chuan vawiin ni ah ngei hianin Class tan leh theih tih min rawn hrilh sela ka duh a ni.

Ka lawm e.

DEPUTY SPEAKER : Minister Statement pe turin kan sawm ang.

\* PU F. MALSAWMA : Pu Deputy Speaker, kan Member zahawm MINISTER. tak Hnahthial bial aiaawh Khan a rawn sawi kha a tlangpuiin a dik vek a.

Hemi Poly Technique chungchangah hian Sawrkar chuena pawimawh zia hriain kawng tam takah ta kan la in peih loh chung chung pawhin tan hi a hmanhmawhthlak tawh a hriat leh mipui lam atangin nawrna a nasat tawh avangin heng harsatna hrang hrang hi a la awm thei ang tih rilru mitthla a hmu chungin bul tan a ni a. A nihna tak hi chu naupangho zinga Sweet sem a an lawm atan tia vawrh a, chang hnem deuh an awm a, a then chang tlem an awm a, insual phah leh ta si ang deuh hlek hian tunah pawh hian Mizoram Sawrkarina duhtawka kan la in peih chhuah loh zia te, kan hrilh chung pawha, hemi ah hian mipui lam atangin nawrna nasa tak a awm avangin kal a ni a. Amaherawhchu chumi avanga tih theih loh tak tunah hian awm a ni lova. Eng eng emaw harsatna chu thil dang tam takah Institution rei tak tak lo kal tawh te pawhin lo tawh chang a awm thina a, a vanduaithlak viau a, tuna harsatna lo awm ta hi.

Chu aini tunah hian vanduaithlak pawl leh zual chu September ni 18 atanga chawl tawh an nih a kha ni 20- ah tuna kan member sawhm takina Minister in-charge hneha a sawi, tun ni 20 ah khan Sawrkar chuan a hre ve chauh a ni. Chumi atang chuan kan rama thuneitu sang ber Administrator te nen pawh sawiho ngah a ni a. Lunglei ah D.C. hnenah Message thawn a ni a, tichuan D.C. in rang takin mi a rawn tlan tir vang vang a, ni 22 ah hmuh a ni a. Chuta tang chuan bawhzuil zel a ni a, tunah hian kan Chief Secretary pawhin henga Officer hi Police lam a kite leh a Department lam a hotu te pawh a ko khawm a, Tichuan Education a Secretary leh E.E. te va kal ngah vat turin a lo rel pui tawh a. Chu chu duh tawh lovin IGP aiah Senior Officer leh CRPF a an DIG te kal ngoi turin tunah hian Instruction pek an ni leh tawh a, Ministry atangin. Tichuan Lungleiah a hmun ngoiah an va tlawh tlang anga, remruet chhuah theih beisei a ni a. Amaherawhchu kan hriat reng tur chu thlirna pakhat atanga zir laite harsatna kan thlir rual rual khan Zoram pumpuih kan zavai hian mawhpurhna nei theuh kan ni a. He an harsatna Police lam ina an chhuanlam ve point tam tak an nei ve a, Chung te chu a genuine em tih a kha enpui ve tho an ngai a. Leh lam thlirna pakhat atang ringawt khan thutawp a siam theih love, kan Sawrkar hnuai a mi vek an nih avangin a vaia Zoram pumpuihna Law and Order thil kan hmanrua pawimawh te an lo ni ve thove. Chuvang chuan innamnu mai theih bik a ni love.

Tin, a Minister chang tuina hei hi thutawp siam theih mai thil pawh a ni love, Law & Order thil te a khawh avangin. Chung avang chuan tunah hian thuneitu sang ber thlengin he harsatna hi hrih hriat leh buaipui mek a ni a. Tichuan kan Officer te hian rang takin an va tlawh anga. Chutatang chuan he harsatna hi tih- kien theih ngoi beisei a ni a. He thilah hian vanduaithlak tak a ni a, hun rei a lo awm tawh avang hi a ni ber a. Sawrkarin a hriat atang chuan tun ni hnih nithum chung lek hian theih tawpin tan a la chho a. Tichuan he Poly Technic zir laite harsatna an neih hi a kien thui beisei a ni a. Tin, House in a kan hriat atana pawimawh chu he Poly Technic hi khawpui atanga hla deuh hlek a awm anih avangin a enkawl tur a Board hi siam hran a ni a. Chuta chuan D.C. Lunglei hi Chairman a ni a, chu chuan theih ang tawkin a buaipui a. Sawrkar hian nitinin helai khawpui chung a awm angin a va buaipui mai thei love. Chuvang chuan D.C. atanga thu kan hmuh leh hriat dan a zir zel hian kal a ni a. Tin, Sawrkar in a ngai pawimawh tih hriat nan chuan heng CRP hoin a an hmun lush te Poly Technic ina lo lush tel tia a ruahman lai pawh hian CRPF te awmna turin Building sak sa Poly Technic tana Building sak chungchang ah te reng reng pawh Crash Scheme in a chak thei ang ber a sa tura thupok vek an ni a. Chu chu Order a awm vek ani a, tunah hian Poly Technic Building te pawh Quarter eng- emawzat sak a ni tawh a. Amaherawhchu chung chu Class neih nan a rem tawh love tih a ni a. CRPF an Building tuna lush tura ruahman pawh hi an ten chuan tem lohna an han sawi a kha Electric te bakah Tui te, Approach Road te leh a Room tet lutuk te, anmahni in then darh ngaih tur chung- chang te an sawi ve a.

Amaherawhchu heng hi chu tunhma a an sawi tawh te an ni nual hlawm a. Chung te pawh chu D.C. hian sukiang tura theihtawpin tan lak a nih tawh thu a sawi a. Chumi hnuat an la chhuanlam la awm a hi engang tak nge tih hi hriat a har tawh a, a hmuh a enfel a ngai ta a. Thu pahnih a awm ta a, D.C. atang chuan peih fel tawh niin hriat a ni a. Hemi Force lam mi atang hian erawh chu luah tlak in tih loh niin an sawi ve thung a. Amaherawhchu hei hi kan Force lampang te pawh hian chhuanlam dik lova mipui tih khawtlaina tur leh mipui harsatna tur chi zawnga tum hrim hrim an nih chuan, hemi a thuneitu te pawh hian an chungah action enganga lak tur nge ni tih ngaihtuah an inhuam thu thlong pawh Sawrkarah hriat ir a ni tawh a, min hriah tawh a. Chuvang chuan Sawrkarin a han hriat atanga tun nihnih nithum chhunga theihtawp a beihna kal zel atang hian he harsatna hi sutkian ngei a nih Fu Deputy Speaker a beiseiawm a ni.

DEPUTY SPEAKER : Tunah List of Business No. 3- na Presentation of Report tih a ni a. Fu C.L. Ruala Chairman Government Assurance Committee he House-ah Report pariatna (8) pe turin i lo sawm ang.

\* FU C.L.RUALA : Deputy Speaker, Sir, with your kind permission, I, the Chairman of the Committee on Government Assurances, having been authorised by the Committee to present the Report on its behalf, hereby present this EIGHT REPORT of the Committee.

DEPUTY SPEAKER : Tunah Fu C.L.Ruala Government Assurances Committee Chairman in a Eight Report a rawn pok kha Member te hnenah sem nise. ( Government Assurances Committee Eight Report chu member te hnenah an sem a). Tunah Fu Joe Ngurdawla Committee on Subordinate Legislation Chairman Subordinate Legislation Report parukna Housech rawn present turin i lo sawm ang.

\* FU JOE.NGURDAWLA : Fu Deputy Speaker, Committee on Subordinate Legislation ina min phalsakna angin Report parukna Subordinate Legislation Committee in a siam chu vawin ni ah hian ka han present a. Fu Deputy Speaker, hemi chungchangah hian tawi te sqwi min phalsak lawk la.

Hei Subordinate Legislation Committee hian Rules hrang hrang Sawrkar Department tena an han tih hi kan han thlir thin a, Member te pawh an tui tlang a, Chumi ah chuanin a spirit Sawrkarina Rules an han siam, a Rules te chu the fu mahsela han hmanchhoh tak taka hun rei a a fel hlelna te, leh lampang kawnga a effect an tum loh zawng taka a nih theih dan tur te ngun takin tah hian

kan thlir thin a. Hemi bikah pawh hianin ram loilet neih chungchangah an sawi dan leh an tum dan chu a tha fu mai a. Amaherawhchu hun a han kal zel khan a spirit a hriat hleih theih lova, keimahni leh leimahni harsatna in thlen chhoh theihna ang chi te kha, a awm nualin kan hria a. Chung chu ngun zawka lo en chhoh tur leh khalai kha fel zawk a lo dah rem, remchang zawka lo hman tura tihna te kan recommend a. A thil a kha tha viau mahsela khatiang kha a Chiang tawk lova hriatna te a awm thin a. Chuvang chuan Sawrkarin ngun leh zualin kan recommend na hi min lo thlir sak sela tiin ngenna kan han siam ngah e.

Ka lawm e.

DEPUTY SPEAKER : A lawmawm khawp mai. Hei tuntum kan Session chu Business Advisory Committee ina a lo recommend tawh House-ina kan adopt angin vawiin hi a tawp ni a ni mai a. Tuna Pu Ngurdawla rawn present kha a copy Memberte hnenah sem nisela (Subordinate Legislation Report Parukna chu Member te hnenah an sem a.).

Tun Session chhunga Business kan tih reng rengah a tlanguiin nidang aiin Memberte hi kan taima niin a langa . Tin, kan awm kim deuh thap thap reng a. Session tam takah kha chuan quarum tlin mang loh a in zawn deuh thuk thuk te kha a awm fo mai a. Amaherawhchu tun kan Session ah hi chuan kan rilru kan pe a a lawmawm hle mai. Tin, nidanga kan tih thin ang zawhna lut zat te leh chhan theih leh chhan theih loh tih zat kha chu a lehkhain Member te hnenah kan la rawn sem anga, tichuan in kan rawn pe ang che u. Tun kan Session chu Business Advisory Committee ina a lo recommend ang leh House ina a lo pawm tawh angin vawiin hi a tawp ni a ni a. Tunah hian vawiin a kan Business kan zo leh tawh si a, kan House a ni tiam chin awm lovin kan chawl rih ang i tin rih ang u le.

\* Speech not corrected

Meeting adjourned sine die at  
12:20 Noon.

J. MALSAWMA,  
Secretary.

.....